

CAP. VII.  
De Philologia Sacra.

§. I.

**D**isseruimus jam pro scopo nostro  
*de Philologia profana*: nunc ad  
sacram progrediemur, qvam a *profana*  
sejungimus, tum ob lingvas & res, qvas  
tractat, sacras, tum ob usum, quem in  
sacra theologia præstat.

§. 2.

*Partes* hujus *tres* constitui possunt:  
PRIMA, lingvarum, qvibus sacer co-  
dex exaratus est, item idiotismorum  
lingvæ Hebraicæ & Græcæ notitiam  
complectitur: SECVNDA, historiam  
divisionis & partium sacri codicis, inte-  
gritatis fontium Hebræorum, inter-  
pretationis, ac versionum ejus in alias  
lingvas, variantium in his lectionum,  
Cabbalæ & similiūm, qvæ in doctis  
commentariis sacræ scripture passim  
annotari solent, continet: TERTIA,  
historiam rituum & ceremoniarum,  
qvarum

qvarum vel in sacris literis mentio, vel  
ad illas fit allusio, tractat.

## §. 3.

Qvod lingvas primum attinet *sacras*,  
duæ sunt præcipuæ, ante alias philolo-  
giæ hujus & sacræ Theologiæ cultori,  
cognitu necessariæ; *Hebræam* puta &  
*Græcam*, qvibus V. & N. Testamentum  
exaratum est. Ad *Hebræam* aliqui re-  
ferunt *Chaldeam*, qvippe dialecto tan-  
tum ab illa differentem, & qva etiam  
capita qvædam in *Daniele* & *Esra* exa-  
rata sunt. Ad stylum *Hebraicum* in-  
telligendum, post proprietatem dictio-  
num ex lexicis petitam, *D. Salom. Glas-*  
*phiologia Sacra adprime inservit.*  
His subjungunt aliqui *Syriacam*, *Ara-*  
*bicam*, *Samaritanam* & alias orienta-  
les, qvæ ob paraphrases & versiones  
Bibliorum πολυγλώτων, & Rabbino-  
rum lectionem utiles censentur. Sed  
illæ parem cum *Hebræa* necessitatem  
non habent. *Græca* tamen lingvæ peritia  
omnino opus est, partim ad LXXvira-  
lem

lem V. Testamenti interpretationem, partim ad N. Testamenti stylum, qvi a profana Græcitatis indole in multis differt, rectius intelligendum. v. B. Gerhardi Method. Stud. Theolog. c. 2. 3. 4. Thome Gatakeri Dissertat. de N. Testam. Stylo, qva Sebast. Pfocheni de Lingvæ Græc. N. Testamenti Puritate sententiā examinat: Dan. Heinsii Sacr. Exercit. in N. Testam. Jo. Croii Sacr. & Histor. observ. in N. Fædus, Salmasii de Hellenistica commentar. Jo. Vorstii Philolog. sacr. & alios.

## §. 4.

In lingvæ Hebraicæ studio, si quis supra vulgus proficere gestit, adjungi debet Chaldaicum, Rabbinicum, Masorethicum, & Talmudicum: qvanqvam hoc sit paucorum, & non nisi memoria & ingenio valentium singulari.

## §. 5.

*Chaldaicum*, non tantum ad Danielis & Esræ lectionem, sed maxime ad Tar-

Targumim sive paraphrases Chaldaicas intelligendas necessarium est. Quatuor auctores præcipui sunt Onkelos & Jonathan: qvorum ille qvinqe libros Mosis; hic Prophetas interpretatus est: Onkeli Paraphrasin Chaldaicam *Paulus Fagius* Latine vertit atque annotationibus illustravit. *Johannes Mercerus, Professor Regius*, Lutetiis duodecim Prophetas minores chaldaice, cum versione Latina & notis, Parisiis anno 1557. publicavit. vid. *Hottingeri Thesaur. Philolog. libr. 1. c. 3. sect. i.*

### §. 6.

*Studium Rabbinicum*, non nisi fundamentis in Hebraica & Chaldæa lingua bene jactis, inchoandum, ac non sine præceptore perito tractandum est, qvi commentatores Biblicos præcipue interpretari norit. conf. *Buxtorfi Bibliothec. Rabb.*

### §. 7.

Inde ad *studium Masorethicum* progre-

grediendum, ut quid Hebræorum critica in versibus, vocibus & literis sacri codicis numerandis, & varietate ejus notanda, præstiterit, sciatur. Hanc Jo. Buxtorfius in *Tiberiade*, sive commentario Masorethico triplici, historico, didacticō, & Critico, & Brianus Waltonus in *Prolegom. Bibl. Polygl. c. VIII.* exposuerunt. Cui concordan-  
tiæ Hebraicæ ejusdem Buxtorffii jun-  
gendæ sunt, ut loca scripturæ in Maso-  
ra sine libri mentione, adducta, inve-  
niri queant.

## §. 8.

*Studium Talmudicum*, quod diffici-  
lius est, ultimo loco tractari debet.  
Quid in eo contineatur, J. Buxtorfius  
in *tractatu de abbreviaturis Hebraicis*  
*exponit*. Illud vero duplex esse, con-  
stat; Hierosolymitanum & Babylo-  
nicum: illud collegit R. Jochanan an-  
no Chr. 230, quod Cracoviæ excusum  
est: Hoc (Babylonicum) a diversis  
Rabbinis compilatum anno Chr. 500.

L

abso-

absolutum est. Utique intelligendo Lexicon Chaldaico - Talmudico- Rabbinicum Buxtorfi inservit. Confer Casp. Scioppii Diatribam de compendiosa & facilis lingvam Hebream & Chaldaam condiscendi ratione.

## §. 9.

ALTERAM Philologiae sacrae partem diximus supra §. 2. consistere in historia divisionis & partium codicis sacri, integritatis fontium, versionum &c. De his agunt Hottingerus in Thesauro Philolog. Glassius in Philolog. sacr. Mayerus de Partitione s. cod. Petr. Dan. Huetius de interpretatione libr. 2. & multi alii, qui ab his laudantur. Inter nostrates Theologos B. D. Calovius in Critico sacro Biblico, &, qui adhuc Ecclesiæ Evang. bono vivit, venerandus D. Kortoltus de variis Scripturæ s. Editionibus, tractatu Kiloni edito. His addi mereatur Briani Waltoni Apparatus Philolog. Bibliis Polyglottis tom. I. præmissus, lectuque omnino dignissimus. Cabalam

balam Reuchlinus primum, post eum  
multi alii exposuerunt. v. Hottingeri  
*Thesaur. Philolog. l. i. c. 3. sect. 5.*

## §. 10.

TERTIA pars seqvitur, qvam do-  
ctrinam rituum & ceremoniarum apud  
Hebræos in primis usitatarum, comple-  
cti affirmavimus. Huc pertinent scri-  
ptores, qvi vel commentarios eruditos  
in sacrum codicem adornarunt, in Po-  
li Synopsi Biblior. Critic. allegati; vel  
res Hebræorum ecclesiasticas & civiles  
tradiderunt: ut Buxtorfius in *Synago-  
ga Judaica*, Geierus de *luctu Ebræorum*,  
*Carolus Sigonius de Republ. Hebr. Corne-  
lius Bertramus de Politia judaica*, Petr.  
*Cunæus de Republ. Hebræorum*, Petrus  
*Galatinus de Arcanis Cathol. veritatis*,  
qvæ ex libro Martini Raymundi, qvam  
vocat, *Pugione fidei*, desumpta sunt,  
*Schickardus de jur. Regio*, cum celeber-  
rimi nostri D. Carpzovii Annotat.  
*Seldenus de Dis Syris*, de *Synedriis*, de  
*jure N. & G. juxta disciplinam Ebræo-*

L 2 rum,

rum, Dietericus in *Annotat. Bibl. Spen-*  
*serus de LL. Ebræorum Ritualibus*, &  
 plures alii recentes scriptores passim  
 obvii.

## SECTIO VI.

De altiorum, qvæ dicun-  
 tur, Facultatum Studiis.

## CAP. I.

De Præparatione ad Stu-  
 dium Medicum.

## §. 1.

PEnitiorem Physicæ & Matheseos  
 cognitionem, ad studium hocce  
 felicius excolendum & absolvendum,  
 reqviri, ex iis, qvæ supra de illis discipli-  
 nis differuimus, constare potest.

## §. 2.

Deinde cum principes medicorum  
 Hippocrates & Galenus Græce scripse-  
 rint, & vocabula artis medicæ, qvibus  
 vel morbos, vel medicamenta, vel res  
 etiam unde illa præparantur, designari  
 solent, pleraqve Græcæ sint originis;

ad-